

UNTUK SIARAN SEGERA
(Terkini jam 9:30 pagi)

9 SEPTEMBER 2023

**PLUS HARGAI KERJASAMA SEMUA PENGGUNA LEBUH RAYA
KETIKA KERJA-KERJA PEMBERSIHAN DAN TURAPAN SEMULA
JALAN AKIBAT INSIDEN TUMPAHAN CECAIR DI KM1.2
LEBUHRAYA ELITE**

- Semua laluan dibuka semula sejak 8.30 pagi ini

Petaling Jaya, 9 September 2023:- PLUS Malaysia Berhad (PLUS) telah membuka semula laluan susur Persimpangan Shah Alam dari Subang di Lebuhraya NKVE menghala ke arah Seafield/KLIA di Lebuhraya ELITE (Arah Selatan) kira-kira jam 8:30 pagi tadi.

Susulan insiden tumpahan muatan cecair yang berlaku semalam (8 September) di KM1.2 di Lebuhraya ELITE, laluan susur tersebut telah ditutup sementara untuk semua kenderaan bagi membolehkan kerja-kerja penyelenggaraan dan menurap semula jalan kawasan terlibat dilaksanakan.

Kerja-kerja menurap semula jalan di laluan tersebut terpaksa dilakukan bagi memastikan keselamatan pengguna ekoran kesan tumpahan cecair tersebut berpotensi untuk menyebabkan laluan menjadi licin dan membahayakan keselamatan pengguna lebuhraya.





PRESS RELEASE

Sehubungan itu, PLUS mengucapkan terima kasih atas sokongan, kerjasama dan kesabaran semua pengguna lebuh raya semasa tempoh kerja-kerja pembersihan dan turapan semula laluan dijalankan.

Pada masa yang sama, PLUS juga ingin menasihatkan kepada semua operator dan pemandu kenderaan berat perdagangan untuk memastikan muatan yang dibawa stabil dan sentiasa berada dalam keadaan yang baik.

Untuk mendapatkan maklumat trafik terkini, pengguna lebuh raya boleh mengikuti twitter @plustrafik dan menggunakan aplikasi perjalanan Waze atau Google Maps untuk merancang perjalanan.

-TAMAT-